

Uc
9090



~~C 7848~~


Uc 9090



stdr0015401

Biblioteka Jagiellońska

Uc 9090



ETHOLOGIA

Vultus Religiosi,

Almae Provinciae Maioris Poloniae S. MARIAE
Angelorum Fratrum Minorum Regul.
Obstantiz

EXHILARATI

*Ad fortunatum reditum prouibialem à
Regno Galliae.*

Illustrissimae Reuerendissimae Antistitis & Dni:

**D. VENCESLAI COMITIS
à Lesno, LESCZYNSKI,**


Episcopi & Ducis Varmienensis, Dni & Mecenatis Co-
lendissimi,

Gratulationem Salutationem & omnis boni ampliorisque
honoris, cum faustitate appretiationem
omnino praeferentis.

DELINEATA & PROPOSITA,

Pet. F. Augustinum Cieplinski, eiusdem Ord. & Prou-
duntorem adualem S. Th. Lectorem Generalem &
ordinar. in loco Varsoviae ad Aedes Dni. Ann. Met-
teris. Anno xix Christianae Millefimo, sexcentesh-
mo, supra quadragessimum sexto.

Varsoviae 1646





Ms. A. 185455





IN PRÆCLARISSIMA ORNAMENTA
ET INSIGNIA.
ANTIQUISSIMÆ FAMILIÆ WIENIAVIANÆ
ILLVSTRISSIMI ET REVENDISSIMI
PRÆSVLIS

Doctrinæ præstantiâ, virtutum omnium gloriâ
Viri magni & incomparabilis,

MINORITANÆ MVSE CVLTVS ET OBSEQVII
SYMBOLVM.

Hæc Capitis facies, quid frons Bisontea poscit.
Talia Nobilitas, dùm, Tua, signa gerit
Vimineus, nares stringens, quid Circulus arctat,
Vt Stirpem exornent, Cornua quid faciunt?
Desuper erecta est cum gladio forma Leonis
Aspectus rigidi; atque aurea serra gerens.
Scilicet, affectus, cerebrum, ratio, caput, & cor
In Te funguntur munere quodque suo
Pectus cum cerebro, sensum ratione gubernat
Cor, capitis iussu, non nisi iusta cupit,
Cornua designant virtutem, ac ferreus Ensis
Vimineus nexus, cauta docet labia,
Hinc secreta Tibi Regnorum credita seruas,
Estq; Tuæ fidei, semper habenda fides.
Quid superest fidei, quam nunc decor ornat honoris?
Hanc Crux consignet: non nisi * Præfulea.

* Archi



Vantam lætitiâ, reditus Tuus pro
nubialis; non loquor, cordi Regio, aut toti-
ûs Regni Procerum, populiq; vniuersi pe-
ctoribus, impressit; verum animis nostris
Religiosis, tot ac tantis votis expetitus, An-
tistes Illustrissime. Si ingenij acumine as-
sequi, legitimoq; veritatis colore, laudisue nota adumbrari sa-
tis posset; nullum perenniùs, in ætates æuiternas duraturum
sanctitati famæ Tuæ, & magno nomini, monumentum fabri-
catum collocaretur. Namq; in omnium Prouinciæ nostræ
alumnorum, per quàm venustâ aspectus grauitate, Cui! paulu-
lùm immorari, lineasq; primas hilaritatis, non tam à foris,
quàm ad intra legere, vel affectus formam extra promicantē
contemplari liceret, fateri profectò vltro deberet, nobis omni-
bus, talem vultum, non adscitum esse, vel fictè ad tempus as-
sumptum; verum ex arcana officina cælestis prouidentiae, cui
spes & vota singulorum innixa inhærebant, lineamentis pro-
manantibus admiratiuis depictos, nos præferre, animorum
corporumq; aspectus: adeoq; vt ille qui vim eloquentiæ vel
verborum energiam, ad exprimendam nostræ mentis effigiem
congruè adhibere posset, cedro digna loqui iudicandus veniret;
imò hoc opus, non inferioris gradus & subsej oratorum dia-
næ, negotium facesseret. Cùm enim totam fortunam diffi-
ciliũ itinerum, syrtum, charibdum, aut scyllæ pericula, toti-
ûsq; peregrinationis Tuæ ambiguos euentus, vitâ quoq; ipsam
quâ nihil carius esse potest, nostris suffragijs & deuotioni, iam
iam carinæ pedem imponendo, commissam reliqueris; fieri
non potest, quin tantam voluptatem in aduentu Tuo capia-
mus, quanto Te studioso desiderio absentem prosecuti sumus,
& quantam, animi nostri, orbitatis suæ pertesi, concipere ac
capere sufficiunt. Atq; ita, quantum tenue ac exiguum meum
ingenium, rudisq; Minerua valere potest, operi Ethologico ma-
num ad mouere non deterreor, quo, faciem Minoriticam
Prouinciæ Maioris Poloniæ, deuotæ Tibi ac sacratæ Præsul Il-
lustrissime, colore hilaritatis tinctam, communi omnium aci-
ei mentis inspicendam producam: eâ potissimùm fretus ratio,
ne, quod multi operam non omnino ludendo perdant suam.

B

qui

qui exteriorem artuum symetriad circumscribunt, & velut rudi pennicillo adumbrando obducunt, nullius vnquam censoriam virgulam auersando. Et quid est! vt & ego quoscunq; vituperones verendo respiciam? quando ad tot, omnium statum viuas latitiar Ideas, imò toti tripudianti Poloniae, in Tuo, ex legatione fermè Angelicâ, reditu fortunato, & tantisper praestolato, ridentem faciem assument; simulachrum quoq; gratulabundæ nostræ Minoritanæ Obseruantiae, hâc breui depictum pagina appositum constituo. Grauiam quidem petilus humilifq; molimina attento: aggredior enim rem propè superbam multorumq; liuori inuidioso exedendam, dùm Prosopon Religiosum, populari latitiar intromittendo infero; & cum applaudentibus aduentui Tuo, Seraphicam quoq; Familiam obseruantinam, almae Prouinciæ S. MARIE Angelorum in tripudia communia euntem patefacio, faustissimas cum omnibus sympatriotis reditui Tuo congratulationes, non priuato ore congerens, sed singulorum latitiar, qui dignitati virtutis Tuar litare cupiunt, complectens, animorū propensionem in Te aperiendo. Quo in ausus conamine, nemò à me excusationem expectet, quod calepodiato vel pedestri sermone gradiar; illosq; qui aut florum amoenitate, aut artis gemma interpecta, legentium ingenia suspendere laborant, propriar ipsozumet industriar vel facundiar, relinquam: suspitionis enim quandoq; non vacat periculo, quoties natiui coloris, nitorifq; effigies, lomento quodam, seu purpurisso inficitur. Quare Tuâ fiat indulgentia Illustrissime Præsul, quod præsentis latitiar totius Reipub. Sauromaticæ, ac eorum serenis vultibus, exultantibusq; animis, me propinquiorem cum hâc Ethologia, aduentui Tuo fausto congratulando, interponam; ac quo quisq; sigillatim applaudendo, acclamandoq; Tibi placere velit: Ego in GENERIS ac VIRTUTIS Tuar excellentia; eâq; dignitate, quâ Legationis & Paranymphe propè caelestis, munere functus es, Laconicâ simpliciq; breuiloquentia, strictum compendium laudum Tuarum collocabo.

Atq; imprimis, dùm originem excellentiar mortalium, ac scaturigines dignitatum, rimando perscrutari volo, GENERIS & VIRTUTIS claritatem, hâc duo deprehendo, quæ Heroes efficiunt, & à vulgari fortunâ hominum, obscurâ, humiliq; conditio-

ditione eximere consueuerunt. Scio à multis Scriptoribus & Historiographis rerum Polonicarum, pluribus Familijs primatum plerumq; deferri, tùm ex verustate Stirpis & nobilitate sanguinis; tùm dignitatum Ecclesiasticarum cum Politicis successiuo ac interrupto splendore. Quorum vtrumque Genti LESZCZINIAR, facile venit adiudicandum: Hæc namq; inter Prosapias eorum nobilium vel Magnatum, quos Polonus campus, orbis terrarum pulcherrimus, non frugibus magis & delicijs, quàm opum honorumq; diuitijs, nutriendo alit, pari semper passu antiquitatis, & præcellentiæ, gradiebatur; Polonicæ Nobilitatis clauum tenendò: Cuius quidem Gentis auitum insignæ Stemmatis dùm considero, nullos profectò decorum quorumcunq;, & magnæ fortunæ titulos, nec dignitatum viros, nec graduum præminentias, intra totius Regni ambitum reperio, quibus caput Bisontinum redimitum non exstiterit. Et ne ad Triuos vel Superiorum ætatem Maiores Tuos ascendam. Quantum Familia Tua in Repub. nostro æuo floreat frondescatq; non nisi nouus in Polonia Hospes & peregrinus ignorat. In Te pulchritudo Præsulea & Ducalis Episcopatus Warmiensis: In Vterinis Tuis decor Senatori, Palatinatus Belzensis, Castelanatus Gnesnensis, & Szczemensis emicat. In alijs verò, eiusdem Stirpis quasi arboris cuiusdam proceræ ac pulcherrimè reuirescentis ramusculis & palmitibus, non sola dignitas Episcopalis, cum Custodia Annuli digitiq; publici, seu auctoritate Procancellariæ coniuncta; verùm etiam culminis Præfecturæ Generalis Maioris Poloniæ splendor florescit.

Quamquam & Natalium ex Illustri Maiorum Prosapia sortem alicui, sed Tibi vel maximè contigisse Diuinæ sit opis & largitatis. Quorum aliqui, quantum ex benè de Repub. meritis; quantum ex re militari, viribusq; bellicis, fortunarum sunt consecuti, non vna parte orationis determinandum, sed integris voluminibus, pansisq; laudum velis deducendum foret. Erât profectò qui pro salute Principum Regumq; suorum; sunt qui pro tutela finium Patriæ ad internecionem hostium fidissima arma sumperunt, merueruntq; inferi Primis Equitum Polonorum ordinibus, & multis ditionū latifundijs, velut aquamento laborum meritorumq; cohonestari. Et horum quidam in Domo Tuâ, Tiaras Præsuleas: aliqui clauas plusquam Hercule-

Andreas
Leszczynski.

1305.
Dobiesław
us Puchala.
Przedział
Goluchowski
Palat.
Califf.
1373.

Raphael
de Goluch.

Bolota
Gnes.
1027.

Rudigie-
rus 1169.
Vernerus
1170.
Philippus
Posnan.
1172.
Philippus
Posnan.
1232.
Fridericus
Cuiaviensis
Vencella-
us Le-
sczynski

culeas regiminis Ductorum Magnorum exercitum; non nulli
suprema militarium ordinum praesidia; plerique Senatoriae au-
thoritatis subsellia: aliqui curiae Regalis, Terrestriumque digni-
tatum munera deposita reliquerunt: & ut haec hisque similia Do-
mus Tuæ ornamenta, Progenitoris Tui sublimitate cōcludam,
Palatinum Brestensem, magni consilij & prudentiae virum æta-
ti posteriori insinuo: praeclarum illud sidus, Supremum Regni
Cancellarium annis nuperis, ac post Praefectum Generalem
Maioris Pol. Patrum Tuum, praetereundo; Cuius pietatem
Catholicam Romanam, & quidquid de homine Christiano
saluando dici potest, Ecclesia Goluchouiensis luculenter testa-
tur. Atque hinc esset quoque gloriae Tuæ campus latissimus, prae-
iuisse Tibi ab auita paternâ stirpe, multa per saecula, religionis
orthodoxae, ac rei bene gerendae natos; quorum, numero, For-
tunae, & Natalium, Te splendor Tuus inseruit: ubi patens ape-
riretur spacium; in quo laxatis habenis, sic mea excurreret ora-
tio, ut si minus par ac aequalis, at saltem is, qui à mediocri inge-
nio, & summo in Te studio nostro proficisci potest, eminenti
Familiae honos à me exsolueretur.

Sed enim vereor, ne lumen, claritati solis addere temerè vi-
dear. Quare dabis, ut opinor, pro Tuâ moderatione facile
mihi hanc veniam: quod de splendore Generis Tui, & antiquâ
nobilitate, minus digna referam; nihil de tot praestantibus toga
& sago Gentis Tuæ viris, nihil de illorum rebus decorè gestis
inserendo; quorum gloriam, quâlibet magnâ & opulenta he-
reditate potiore Tibi tradiderunt. Quippe Ego, haec quae
Tua ita sunt, ut & alijs tecum sint communia, in Tuis laudibus
ponenda mihi esse non existimaui: alios ista praecones admi-
ratoreque habeant. Ego in Te, non nisi VIRTUTEM, alteram &
praecipuam nobilitatis excellentiam contemplabor. Neque enim
virtuti stemmata correspondere sufficiunt: quae (loquente
Poëta) Quid profunt? quid prodest Pontice longo sanguine
censeri; pictos ostendere vultus, maiorum. Nobilitas sola est
haec vnica virtus, Cui, alio alludente. Non census nobilem, non
clarum nomen aurum. Sed probitas magnum ingenuumque
facit. Sicut enim familiae hominum, splendore generis nobi-
litantur, ita animarum gratia, clarificatur splendore virtutis.
Ex quo summa apud Deum nobilitas est, clarum esse virtutibus.

Vir-

Iuuen. 1.
3, Sat. 2.

Ovid. 1.
de Pon.
Amb. 1.
de Noe.
& Arca.
Hier. ad
Celan.
Cic. 4.
Rhet. c. 6

Virtus namque talem vim obinet, ut per eam homines
benè compositi instituti; euadant, cum sit effectrix conciliatrixque
honorum, ac eorum omnium, quae optima cogitari, desiderari & haberi possunt. Saepius plerumque implanta-
tur humanae soboli animis corporibusque, parentum imagi-
nis physiognomia, ita ut vtrisque eadem penè sors, mores, natu-
raque conueniat: sicut in plantis ramus insertus ultra proprie-
tatem innatam nihil germinat: Hinc non procul à stipite pro-
prio poma cadunt. Aut velut in animantibus, Fortes cre-
antur fortibus & bonis; est in iuuenis est in equis, patrum
virtus, nec imbellem feroces progenierant aquilae columbae.

Scilicet est olim vis rerum in semine certa

Et referunt animos singula quaeque patrum.

Plerumque tamen virtutum paternarum extorres gnati effi-
ciuntur. Nam aetas parentum peior Aus tulit, nos nequiores,
mox duros, progeniem vitiosorem: Nisi diligenti
cura honestae educationis ut partus vrsinus efformetur. Do-
ctrina enim, (canente Horatio) vim promouet insitam.
Rectique cultus pectora roborant. Vtunque defecere mo-
res. Dedecorant benè nata culpa. Ad virtutem igitur solam
non ad ea, quae extra animum Tuum sunt posita, accedo:
quae se ipsa contenta, nulla aduentitia re, ad completum
felicitatis suae indiget, nullam extra se appetit. Et si ad ipsam,
nihil minus cogitantem, imò quandoque inuitam ac reluctan-
tem, ubi gentium species eius in amoribus est, summa &
bona omnia affluere assoleant: Et quamuis cum labore ac
sudore quaeratur, nec non nisi tanto à Superis pretio venda-
tur: tandem tamen post deuictas triumphatasque difficul-
tates, facile & nullo negotio, quo inter mortales maxima pas-
sim habentur, in eius sinum deferuntur. Quæadmodum de
quodam Graecorum Imperatore iactatum nouimus, ipsi
scilicet dormienti fortunam reti vrbes capere solitam. Ita
de Virtute iustius dici queat; Ei nimirum quiduis potius a-
genti atque cogitanti, ad extremum ipsam fortunam, victas
manus dare, ac omnia sua eius permittere arbitrio. Hanc
Tu optimam ducem & magistram iam inde à prima ætate
tibi delegisti, quam in depresso pede, quocunque Te ipsa,

Horat.
4. carm.

Marullus
Poët.

Horatius

C

per

per arduum laudandorum operum callem duceret, magno constātiq; animo, in omni vita sequereris. Vnde propè est vt existimem, ipsam virtutem humanā specie indutam hæc verba fecisse pactum Tecum ineundo. Ego (inquit) adolescens ingenue, hoc præstare solita sum mortalibus, vt veterano excusso, solidam felicitatem assequantur, quali quisque sit loco constitutus, in mea manu positum relictumq; est: quid cuiq; eorum, bonorum omnium largitor Deus datum velit, meo ore sententiatum, pronunciat. Age igitur mi animule, & corculum delicatum: pijsimo pectoris Tui sacratio semper præsentia mea inhæreat, monitaq; dulcescant, semper cor Tuum honestate mea gaudendo delectetur: nihil Tibi sit commercij cum istis simulatis & fraudulentis temporibus, nil cum rubiginosæ mentis alumnis; qualia sunt ocium, proteruia, temeritas, lasciuiā, & huiusmodi in mente ipsorum nigredines. Illorum (aiebat) hæc sint mancipata arbitrio, qui pusillo circum pectora spiritu frigent emaciati, & supra humum, cui nati sunt, vix assurgendo attoluntur. Diuinior Tibi mens, quæ benè agere sic experimenda est, vt quamdiu corporis angustis stringitur, omnia quæ terrigenis contingere possunt summa, optimaq; assequi valeat. Diuinitatis semina Tuam adolescentiam velut agrum quendam benè subactum ac congruè excoltū (vt mihi videre videor) tantisper fecundarunt: ac vt plantulam solo vberi, vel ramum stipiti Familiæ exflorescentis insertum reliquerunt, vt de feraci ac copiosa fructuum messe, me spes alat minimè fallax. Similia enim origini prodire conuenit, & paria his ex quibus orta sunt pullulare. Hoc colloquium Dæx fuisse censeo. Itaq; eius suasu atque ductu adolescentulus viriles cogitationes, generoso pectore maturè voluere cœpisti, repudiatisq; & procul abiectis blandis pestibus, quibus lubrica illa & præceps vita decipi corrūpique solet, in glorioso omnis disciplinæ curriculo constitisti, ad eas potissimum scientias studium animumq; adiciendo, quæ non modo Tuum ingenium expoliendo exaucuerent; sed vitam ac mores præceptis optimis, honestisq; institutis imbuerent: quæ Tibi postmodum, ad boni viri,

& ad

& ad eximii in Repub. ciuis munera, ac officia præclarè subeunda magnum conueniensque adferrent adiumentum. Et huiusmodi quidem exercitationum scholasticarum tyrocinia Polnæ (sit tangere vel meminisse fas est) in consortio nostro claustrali suauissimè aliquando posuisti. Postquam enim Tibi, pueritiæ septa vix dum egresso, illud vnā cum Vterinis, luctuosum accidit: quod illustrissimus Parens Tuus, fato, (citius, quàm spes supererat) concessit. Inde ad prudentissimam ac pientissimam Matrem, Diuinā ordinatione, delata est educationis necessitas; quæ commonitricè prudentiā & discretione, Te pupillum cum alijs Vterinis, dexterrimis eorum studijs, & religiosorum virorum contubernio commisit, qui cum dicerent quid faciendum sit, exequendo probabant; qui, docendo quid vitandum, nec vnquam in eo, quod fugiendum dixerunt deprehendebantur. Ex quo felicem Te felicem! cui, & virtutis, & dignitatis auitæ hæredem cœlitus concessum est; feliciorum disciplinis liberalibus & catholicis eruditum esse; felicissimum, quod Matris non solum generosus, sed & deuotus Catholicæ pietatis spiritus Tibi accesserit, vnioni fidei Romanæ nexibus inserto. Viueret illa viueret, & Te nunc reducem Regium Paranympum ex hac fausta Legatione obuijs vlnis desideratissimum exciperet, & materno suauitate affectu complecteretur: atque nouæ Reginæ in solum Polonū aduenienti, solumq; Regale ductu Tuo ascendenti, vel subeunti pariter cum facie lætabunda totius Regni occurreret. quæ Te tantæ dignitatis imò amplioris capacem, & sue sacrimonix veram ac genuinam effigiem reliquit. Cuius Matronæ, & Illustrissimæ Heroinæ, quanta sit perfectionis excellentia? Occurant illi nunc, qui celeberrima pictorum fictorum, pœtarumque simulachra suspensis oculis vsurpabāt: vmbra profectò vidisse se, præ lucidissimo sole hoc, faterentur. Veniant hi qui in corpus vnum congesserant quidquid vel Praxiteles Gnidix suæ; vel Phidias in fronte Lemnix, vel Zeuxis in supercilijs Penelopes, vel Apelles in animato illo Iunonis seu Helenæ, totius corporis & oculorum temperamento ex quinque viuis prototypis puellarum

Cic. 2.
Rhet.

Stob.
ser. 12.

Prou. 31.

1. Reg.

rum elaborare potuit. Erat hæc Matrona, erat simulachris omnibus emendatior: cum hoc ipsum quod virtus, hoc natura, quod forma, hoc venustas gratiæ supernaturalis, quod morum honestas & grauitas, hoc ornamentum & pulchritudo fuit. Ornamentum (aiebat olim Crates Philosophus) esse id quod ornat. Ornat autem quod honestiorem reddit mulierem: talem verò præstat, non aurū, non Smaragdus, non coccus; sed quæcunque grauitatis, moderationis, pudoris speciem adhibet. Elogio autem Spiritus S. apud Sapientem: non diuitias; non gratiam aut formam, sed timorem Domini, esse totam laudem & excellentiam prudentis ac sanctæ mulieris. Verum hæc de quâ mentio; maiori laudum encomio donanda foret, quæ dum vixit incomparabili vitæ sanctitate in cœlis versabatur. Et si ad vetustorum morum ætates transire, & priscas illas virtutum imagines, tam sacræ quàm profanæ paginæ in comparisonem adducere licet. Non tantum Ruth & Liuiæ, in erat prudentiæ, quantum huic! Non illam Iudith vel Sulpitia æquanimitate; non Hester aut Cornelia patientiâ; non Susanna nec Luereria pudore & verecundiâ; non Anna mater Samuelis vel Aspia, modestiâ adæquando superarunt. Atque hinc ex Maternâ origine, nihil Tibi ad incrementa mundani decoris gloriosius, nihil ad viuendum illustrius, quàm sanguinem generosissimum & sacrum traxisse; & quod non minus præcipuum est Generis claritatem Illustrissimæ Familiæ OPALINIORVM participasse: de quâ hoc solum pro nunc sit prædicatum, hæc sola laudis gloria ob magnitudinem nominis sufficiat, quod Domus OPALINIANÆ; quod tam præstantissimæ Prosapie mentionem attigerim. Sic sic ex cœlesti Progenitorum seminio facile in Te cumulari poterat virtutum omnium fertilitas atque pulchritudo: hinc formam Tibi bonæ mentis, vt Hederam, à naturæ ac virtutum confinio appensam æstimamus. Quemadmodum enim illi, qui apud mortales sunt aliquando summo loco venerationis habendi, ita nascuntur, vt nihil à teneris vnguiculis præferant, quod vulgaritatem, quod exilitatem redolet. Sic & Tu in Te ipso veritatem conciliaſti prouerbio, Plantulas

exse-

exserere germinando maturius, vltraque proprietatem innatam nihil solere spirare. Quæ causa fuit, ita pueritiam Tuam fuisse peractam, quod neque tenellus animus exitiosa parentum indulgentia effæ minaretur, nec laruatis nutricum blandimentis emolliretur, nec perniciosæ licentiæ habenis, deterioraretur, nec mundanis illecebris captus vinciretur. Deſtandam nobilium liberorum iactura, qui antequam peractam vitia norunt, ab his in præcipitia dilabantur. Tu verò ita pueritiam, ita adolescentiam tranſegisti, vt concentum quendam actionum honestarum, quantum ætatis suffragio licuit instruxiſſe videaris. Paucos reperiſſes qui sano consilio proprio vel aliorum se suaque disponant, plerique dum vitæ instrumenta conquirunt vitam tranſeunt & perdunt, ac eorum more quæ fluminibus innatant, appetitibus suis tanquam vndis feruntur, non eunt. Atque ideo Tu non contentus domestica naturalis Soli disciplina celeberrima aliquot Europæ Gymnasia impiger & alacer adiſti. Vbi cum magnis optimarum artium genere viris, in disciplinâ Te tradidiſſes, haud multò decurſo ſpatio temporis, ingenij bonitatem diligenti curâ & exercitatione adiuuante, humanis Diuinisque ſcientiis, ſufficienter instruxiſti. Ac illa quidem peregrinatio aliquot annorum per Germaniam, Italiâ Galliam, aliasque Prouincias inſignia Tibi, ad comparandas virtutes ſtatui Eccleſiaſtico & Politico neceſſarias, ad iumēta vbertim ſuppeditauit. Magna enim peregrinantium discrimina: alij rerum nouitate detenti, velut pueri, ignota mirantes, altiùs non aſſurgunt: alios mobilioreſ leuioreſque reddit ipſa iactatio, vt quæ, cupidiffime loca petierunt, cupidius deſerant, & auium more tranſuolando, citiùs quam venerint, abeant. Perluſtrare, diuagari, cuiuſuiſ eſt triualis cedronis: pauci peregrinando id curant & efficiunt, vt varia gentium inſtituta, linguas, mores, ritusque incolarum, formas ciuitatum, ſed maximè veram, ad prudenter vitam inſtituendam, inſtruendumque iudiciũ, ſemitam, aſſequantur. Sed Tu ſicut qui, nauticam artem, vel iaculatoriam exercent, ſcopum ad quem colliment præfixum habent, antequam exoticas adires Prouincias, ita Tibi illud præſumere

D

viſus

vilus es, quod aetati maturiori erat profuturum. Ad cuius peregrinationis familiaritatem, optimum sodalitium nobilium, quarundam virtutum, vocare & admittere voluisti: adeo quod in Tuo comitatu tres Charites praestantissimas, Humanitatis scilicet beneuolae; Elegantiae morum; & pietatis Catholicae semper duxisse, & Tecum in Patriam suam reduxisse agnoscaris. Et quidem HUMANITATIS est beneficio, quod superbiam indiscretam, felicitum pedisequā, procul a Te ire iussam & actam fecerit; ita ut nihil fragili ostentationi, nihil vanae ambitioni, nihil tumidae arrogantiae sit relictum. Eoque haec societas virtutis est admirabilior, quo rarior; quippe saepius eā scabie fortunatum laborat ingenium, ut quo potentia & familia floret ampliore, eod ardentiori flamma & rabie corripitur insolescendi: vix enim cuiquam contingit, & abundare bonis fortunae, & carere superbia; quae dum semel veneno blandissimo mentem ablegata ratione infascinauerit, nihil superest, quam ut se supra ceteros mortales euectum, caelis superiorem, Diisq; parem aestimet; & ut fortunae indulgentia eminentem, sic animi bonis, quorum plerumq; nec vestigium (vel ipse oculus Argi deprehenderet) se ferocientem ostendat. Et hinc est quod neq; aditus facilis, non tantum minoribus seu inferioribus, sed nec aequalibus, imò nec honoratioribus, ad talem ventuosā opinione inflatum pateat. Porro in Te, ita comitas humanitatis ac beneuolentiae, ita mansuetudinis ac clementiae suauitas, cum fortunis coniuncta graditur, quod nihil Tibi ad amplificandum honorem, ex hac solā benignitatis facilitate supersit, vnicā excepta maioris perfectionis ac dignitatis crescendi materia. Nam talem te quibusuis exhibes, tanquam communem: ita familiarem, sicut obstrictum; sic submissum, velut particularem ac priuatum: illud monitum obseruando. Quanto superiores sumus, tanto nos submissius geramus. Nihil enim est tam deformis quam ad aliquem honorem, acerbiter naturae adiungere. Qui enim plus propter virtutem, nobilitatemq; possunt, eod minus quantum possint debent ostendere. In Bonis fortunae summa laus est, non extulisse se in potestate, non fuisse insolentem

Cicer. 1.
offic.

Cicer. ad
Q. Frat.
Ep. 2.

2. de Or.

lentem in opibus, non se praetulisse aliis, propter abundantiam fortunae, sed bonitati ac moderationi dedisse facultatem. Et haec quidem ita temperata possidere videris, ut nec illustri personae (quod est rarissimum) aut humanitas auctoritatem, aut facilitas dignitatem, aut submissio grauitatem; nec grauitas amorem diminuat. Desideria sua, quilibet apud Te explicare, & ad aram clementiae Tuae facile deponere potest; non importuni ianitores obicem accessuris interponunt: si munus Referendariatus Tui, in testimonium adducere tempus pateretur. Nihil namq; laudabilius est, nihil magno & praclaro viro dignius, placabilitate & clementia, quae ita probanda est, ut solum adhibeatur seueritas causae Reipublicae administrandae. Neque minus humanitate, MORVM elegantia, in Viro Ecclesiastico quam Politico spectanda & commendanda; nam mores, non ingenerantur à stirpe generis ac seminis; nec ex iis rebus, quae ab ipsa natura bonis, & à vitae consuetudine suppeditantur, quibus alimur & viuimus, originem trahunt, sed cura seueriori, & cultu animorum diligenti comparantur. Nam minimus labor est (aiebat Vates) *Sapienter iactibus vti, maius opus, mores composuisse suos.* Multi enim Troglodytarum, lacui haud sunt absimiles: qui ter in die fit amarus aut salus, ac rursus dulcis, totiesq; etiam nocte, unde insanus dicitur. Sic quidam inaequales, nunc asperi, nunc sunt blandi, aliquando profusi, mox tenaces; iam vehementer amant, iam supra modum oderunt. Et plerumque, Pandorum Genti Indiae conformantur quae in pueritia cano fit capillitio, in senecta nigrescente: ita nonnulli primis annis sobrii ac modesti, grandiores, iam ad nugas & ineptissimas voluptates abiiciunt se se, & quasi pueralescunt; sicq; morum suorum disparitate disparia studia sequuntur. Porro Tibi morum uniformem pulchritudinem exinde affluere conicio, quod praeter honestam & diligentem domesticam educationem, veneres leporesque meliorum Gentium in sermone, gestu, sollicitè obseruasti, quodque illas affectatas & ridiculas morum exoticorum ostentationes, à consortio Tuo segregatas esse voluisti: ciuilitatem vti par est virilem,

Cicer. 1.
Offic.

Cic. con.
Rutil.

Ouid. 2.
Art.

Erasmus
Roter.

Plin. lib.
7. cap. 2.

non obnoxiam, complectendo: hinc vis discretionis, & prudentiæ, naturæ quoq; bonitas miranda meritò, quod cum facile peregrinæ ineptiæ, nouitate aliquâ, aut sub virtutum palliolo obblandientes imbibantur: nihil Tibi imponere potuerit simulatio. Magnæ profectò circumspeditionis negotium est, præuidisse, quæ cuique populo agnata vel familiaria vitia: plerumque enim ita contingit, vt in quâ gente certa vitia notantur, mores iam vocentur, & laudem, ne dum vituperium, mereantur; atq; hinc illa veruero bia in talem vsum facetosum veniunt, quod commestationes, hilaritatis nomine pallientur; Fastus, fucò grauitatis tegatur, leuitas, lenocinio animositatis occulteretur: Proteruia colore comitatis infuscetur: mentis perversitas, vrbannitas vocetur; adeò quod bonorum virorum rectitudo & simplicitas, fatuitatis colore denigretur; in derisum apud tales simulatores cadendo; quando vitiis nomina speciosa obtunduntur, eademq; à plerisq; tenello complexu fouentur. Quæ ab animo Tuo semper procul agebantur: cum malos mores, quasi herbam irriguam vberimè succrescentem, aueruncandos semper rectè iudicaueris. Neq; Tuos mores eximios, (cuiusdam scriptoris Politici) negotia ad famularum Curialem sequentium, tangit reprehensio, quos fanaticos appellando ita loquitur. Aulicorum vitam, nihil aliud ferè esse quàm spontaneam mentis insaniam, dum scilicet, superiorum iuxta & inferiorum, vsualem beneuolentiam, seruili adulationis studio, sibi alliciendo venantur abdicata vtrò rectè rationis libertate: quorum perfidiam, quam, lenissimo *simulationis* & *dissimulationis*, itemque blandissimo *comitatis* & *humanitatis* vocabulo, condiunt; ita Comicus breuibus exprimit.

Ore aliud taciteque aliud sub pectore versant, mel in ore & fel in corde nutriendo. Et vt Taciti verba adiiciantur: Aulicorum (inquit) complexus & oscula factorum naturâ & consuetudine exercitorum, iactare odium fallacibus indiciis. Verùmenimuerò, quamuis talibus, non orbentur aulæ Principum: hæc tamen censura nullam Nominis Tui spectatissimo irrogat iniuriam. Nam ita Te eximium, & planè

planè summum virum, breui intervallo ostendisti, vt ad tanta munera dignatum & officiorum, facile & leui pede ascenderis. Et sanè, haut scio an verè magna, & præclara ex se res sit, in quantum libet sublimè honoris fastigium euasisse. In eo enim, id interdum contingit, pro miro, quem in rebus humanis, Diuina prouidentia exercet ludo, vt alii quidem mereantur, alii habeant. Sed, hæc quæ vulgò amplissima, inter mortales habentur, virtute sibi peperisse, virtute tenuisse, virtute illustrasse, id demum maximum est, & in omni æuo non cuiuscunque viri. At quis tam incuriosus, vt nesciat, magis Te ab iis ad quos iam peruenisti magnis honoribus quæsitum esse, quàm eos quasiuisse? Cui, malignus affectus, vsque adeò oclusit oculos, vt non videat Te in hunc sublimem quem attigisti gradum dignitatis, ab ipsa virtute optimâ duce atq; comite manu ductum esse? Quis tam refractarius, vt inficietur, aut præceps de re adeò ambigua certum iudicium ferre audeat, plus ne insignes ex, quas obiisti, & sustines, functiones splendoris Tibi attulerint, an à Te vicissim acceperint? quando nunc Magni Episcopi & Senatoris Diuinitus Tibi impositam personam geris.

Ad PIETATIS quoque Tux venerationem, perstrictam insinuationem accedo: per quam, primum ipsi DEO post sanguine coniunctis, Patriq; & cæteris beneuolis, officium & diligens tribuitur cultus. Pietatis in DEVM, solus status Ecclesiasticus & Pastoralis euidenter præbet argumentum. Non enim, postquam Episcopatus gubernacula prehendisti, proba, laudatoq; viro, retroactæ vitæ studia remisisti, nec, vt interdum fit, mores cum fortuna in deterius immutasti. Taceo Tuam in Deum interiorem religionem, virtutem omnium maximè Principibus viris necessariam; quâ, quem in his humanarum rerum varijs & dubijs fluctibus, cursum tenere debeant, facile à Supremo illo Governatore Deo obtinent. Comicorum quoq; antiquorum oraculo.

*Numen colenti, cuncta Numen dirigit,
DEVM colendo cuncta facies protinus,
Nec supra Numen sapere, mortalis stude.*

Neque cætera pietatis Christianæ officia atque quotidiana

E

rango

D. Tho.
2. 2. qu.
80. art. 1.

Cicer. 1.
de Natur.
Deos.

Ex Græcis
Comici.

tango exercitia: Non enim ita profusus polsum esse in dicendo, ut omni ex genere orationem aucuper, & omnes vndique flosculos virtutum carpam atque delibem, parcens Tuae verecundiae; Tuorumque in libro vitae conscriptorum meritorum, mercedem, in tempestiva laude euacuare nolens. Senatus ille Venetabilis Capitularis & Sacer, Alma Ecclesiae Cathedralis Warmiensis [Cuius celeberrimum Nomen, a primae uae sui fundatione, virtutum & sanctitatis gloria, atque excellentia praeclarorum semper, magnorumque, & sapientium virorum, longè lateque diffuere non desinit] non nisi Tua pietate percussus, vota ac desideria sua Tibi consecrauit. Postquam enim, Praedecessor Tuus, insignis pietate Vir, & de Ecclesia illa non mediocriter meritis, Seraphicae nostrae Religionis summus cultor, amatorque; eximius; verè Nicolai III. Summi Pontificis affectum viuum representans, a nimumque; & cor ipsius, (particula rudis panni cineracei inuolutum, ac tale in obitu eius repertum) in nostrum gerens Ordinem: Postquam (inquo) rebus humanis exemplus esset. Tu potissimum mentibus oculisque omnium obuersabaris: Tuae successione cupida spes, & orbitatis moeror singulorum solabatur: In Te vnum, studia omnium & sententiae inclinabantur: Tibi ante alios à Diuinà bonitate eminens hic locus, Sedis illustris Pontificalis certatim ab vniuersis Apolectis Cathedralibus, expetebatur: Nam nihil erat, quod ad sempiternam Nominis Tui laudem, magnum & excellens; quod ad Ecclesiae illius praesidia & ornamenta, magnificum ac splendidum; quod ad Diuinæ honoris propagationem; atque animarum custodiae Tuae creditarum salutem, insigne & eximium, de Te sibi non pollicerentur. Ad pietatis quoque Tuae commendationem, illud vel praecipue occurrendo accedit: quod non magis Tuus affectus, in Sanguinem, aut Patriam, sed in beneuolos quoscunque; Tuo patrocinio ac ope egentes promanat, tanquam fons riuulis scaturiginosis fecundus, aquam hausturis. O virtutem & pietatem caelo profectam, thesauram Diuinæ dilectionis & ipsa raritate plus laudabilem! O Fortunatos nimium Diocesanos, Ciues, subditos, & vicinos Tuos

Nicolaus
Szykowski,

In Chronico
S. Franc.

1. Ios. 4.

Tuos, qui Te nunc, velut salutare Numen venerando suspiciunt, & reducem applausu cordiali læti excipiunt. Et profecto nihil planè à virtutis tramite illius Archiepiscopi Gnesnensis, ornamento primo Gentis Tuae desistere videris. De quo Historia Polona loquitur. Bosuta primus, natione Nobilis de Domo WIENIAWA, sed actionibus & moribus nobilior, à Benedicto VIII. Sum. Pont. prouisus, munificus & profusus eleemosinarum largitor; in quoslibet orphanos & inopes viscera gestans charitatis & compassionis. In Clericos suae Diocesis rigidus animaduersor, quorum vitam & conuersationem curiosa visitatione lustrabat annis singulis; sciens ex vita Clericorum, salutem vel interitum pendere Laicorum. In Rem quoque publicam Regni Pol. feruidus zelator &c. Quae omnia stricto pertransit versu Poeta,

*Manificus largitor, orphanis miserisque iuuare
Impiger, & celeri poena, sed aqua suis.
Compatiens Patria, qualem decet esse Polonum.*

Silentio praetereo viginti & ultra Mitras Pontificias, quibus capita virorum insignium Tuae Prosapia & Sanguinis consecrata numeratur Tuarum Virtutum, sanctitatis, & splendoris archetypos nobilissimos. Et ut complectar summatim cetera. Morum integritas; ingenium facile atque officiosum; feruens & perpetua in Deum deuotio; conscientiae solius praequibus alijs humanarum rationum suffragijs, praerogatiua, fidei Orthodoxae Romanae constantia; dignitas Sacerdotalis: Praesulex eminentiae sublimitas; ad PIETATIS Tuae ostensionem sic omnia quasi transitu quodam praestrecta subeant auctoritatem testimonij totamque documentorum rationem.

Quae & plura his ornamenta virtutum, Te satis sanguine nobilissimum multò nobiliore efficiunt. atque inter Generis Tui lumina, velut solem inter ignes minores, fulgere: aut Adamantem, Magnetemue, multarum gemmarum candore ac virtutem praecellere faciunt. Ille enim inter sidera solis instar corruscat; quisquis ille est, quem Genus & Virtus certatim Heroem consecrant. Et profecto, stellarum aliquas & lunam ipsam afflatum malignorum saepenumero accu-

E 2

sanus

Diagosi,
us.

Sanicius.

famus: At sol solus est, extra eam notam maleficijs; semper
 prosper, salutaris, gratusque omnibus oritur. Neque Te aut
 Familiam Tuam, umbra alicuius reprehensionis & vitij, ali-
 quando obtenebrauit. Quam verò gratus omnibus sis, ac
 in primis oculis Regiæ Maiestatis, ipsi successus rerum Tua-
 rum clarè patefaciunt. Nam ex quo, ut quoddam lumen
 noua; lux oriri in Curia Regia, & elucescere visus es; ex
 tunc radios quosdam: antitheticos, & initia futuræ clarita-
 tis scintillare cepisti: à titulo Secretariatus; ad authorita-
 tem iudiciariam Senatus Tribunalitij procedendo; ac solis
 instar, ad Referendariatus fulgorem, tum ad Episcopalis
 dignitatis eminentiam excrecendo. Ipse enim SERENISSI-
 MUS REX, rerum factorum; æstimator æquissimus, maio-
 res quotidie, ad optima & maxima quæque Tuas cer-
 nens progressiones, maiora quoque Tibi propensæ, ac
 benignæ voluntatis argumenta in dies ostendere cogita-
 bat: optimasque de Te res concipiebat: cum in mul-
 tiplici rerum usu, vera Tua & præclara illa bona specta-
 ret, probitatem vitæ, ab omni fœdierrati labe immunem,
 candorem morum dupliciter expertem, solidam ma-
 gnarum rerum scientiam ambitiosâ ostentatione vacuam,
 singularem prudentiam in ijs quæ vera & recta essent perspi-
 ciendis, præstantem animi magnitudinem in eisdem tuen-
 dis, egregiam industriam in perficiendis. Talibus præsidijs
 quoniam benè circumquaque munitus eras, frustra Te illa
 nimium exitiosæ Aulæ pestes, inuidia, liuor, & ambitio ap-
 petierunt. Tanta enim virtus, & si oppugnari premique,
 ab improbitate aliqua potuit; opprimi tamen & obrui, ni-
 hilo magis potuit, quàm solis meridiana lux, abscondi.
 Quin potius impulsa stetit firmius, retardata cucurrit velo-
 ciùs, depressa caput extulit sublimius, obnubilata effulsi-
 t illustrius. Hâc fretus turpe illud animi de proprijs meritis
 diffusi vitium, quo in altiorē locum per aliorum incomo-
 da & calamitates nonnulli aliquando irrepere nituntur, ut
 vitâ moribusque Tuis indignum, longissimo semper à Te
 propulsasti interuallo. Atque præterea, sicut cœli oculus aërē
 serenando, totius vniuersi vultum exhilarare consuevit: nō
 secus

secus, cursus velox Tuæ Legationis mœstam Rēpub. Polo-
 nam ad nouam fecit redire lætitiā: sicut namque nuperri-
 mē, ex insperata Reginalis Solij orbitate, caligionosa nubes
 calamitatis & tristitiæ, non tantum cor Regis, nec sola pa-
 rentalia sanguinis, sed totiùs Christianæ Reipub. & maximè
 Polonæ, faciem obducendo, funestis lachrymarum imbri-
 bus affecerat: ita Tua opera & beneficio discussa dispersit.
 Ut meritò; post nubila, Sarmaticis Oris, lumen solis exortū
 illuxisse, quilibet mortaliū facile cognoscere valeat. Et
 quisquis lucere post nubila solem asseruit, ille profectò,
 modernæ omnium nostrum lætitiæ prolusisse videtur.
 Nam studio Tuo Orbi Polono denuo cœlum beneficū
 ridet, gratissimā felicitate damnum compensando. Cūm
 Serenissimam LVDOVICAM MARIAM de Gonzagues,
 & de Cleues: Principem Mantuæ; & Montis Ferrati, Ducem
 Niuersij, Paris Franciæ. Augustum tot Cæsarum, Regum, &
 Principum, tot Ducum, Marchionum, ac Comitum san-
 guinem, Magno, Potentissimo, Bellicosissimo Principi,
 VLADISLAO IV. Poloniæ, & Sueciæ REGI. Domino
 nostro Clementissimo, feliciter desponsatam, victricium
 Sceptrorum Regnatricem Sociam effecisti. Nouum certè
 lumen, Conciuium Tuorum Terris, effulgere fecisti. quan-
 do è nigro peracerbi mœroris nubilo, ac tædiosa tristitiæ
 caligine suauissimam gaudij candidamque lucem; Ut
 olim per Amphiliam Regno Cymbriæ Hilaritatem & sere-
 nitatem (nummorum iconibus graphicis attestantibus)
 non tantum Solo Lechico, sed Toti Christianitati induxi-
 sti, aspectus singulorum exhilarando: cœlo & fatis nouorū
 conubiorum texturam ordientibus. In quæ vota T. Ori
 Regalis, animum virgineum & Angelicum, non nisi vel ut
 Angelus, mortali ore locutus aut homo, Angelica verba
 proferens flectere potuisti: Certè eor verècundum & ca-
 stissimum, per diuturna itinera, in tam remotas Terras Re-
 gni istius quasi quibusdam arcanis nodis Magnetinis; aut
 Herculeis catenulis verborum aureis, ab ore Tuo fuis, con-
 strictum pelliciendo traxisti. Tibi Tibi esset canendum.

*Cedant arma Toga & quamuis durissima corda
 Equo pollens, in sua vota trahit.*

F

Verum

Ludovic.
 Legionen

Alciat.
 Embl.
 t81.

Verum & secretioris Philosophiæ arte ac mysterio, Te vsu
fuisse deprehendo. Europam aliquando Agenoris Regis
Phœnicum Filiam adamatam. Iupiter, formâ Bouis, aut
Bisontis, raptam abduxerat in Cretam.

*Europe nuncum dolore. Credidit Tauro latus
Namq; Deus posita, fallacis imagine Tauri,
Se confessus erat Didleaq; rura tenebat.*

Quod si illa de Tauro memoriæ prodita fabuloseq; confi-
cta ad veritatem citumferantur: solum modò in prora e-
ius nauigij Tauri sculpta vel depicta effigies inhærebat, Na-
ui nomenclaturam adferens: Prout apud illum Vatem cele-
berrimum Centauri & chimæræ naues nominibus dona-
bantur. Quando igitur Familiæ Tux: simulq; OPALI-
NIANÆ, Armorum insignia Nobilitatis conspicio, occurre-
re Naui, cum facie Capitis Bisontini seu Taurini animadu-
uerto. Vbi Iupiter noster Polonus Rex, Diuino oraculo,
& ore prophetico. Deus terrestris appellatus, dùm, non ià
Agenoridem Plinij ore, omnium gentium, populiq; ter-
rarum pulcherrimam; sed LVDOVICAM MARIAM
Mantux Principem indissolubili coniugalis consortij nexu
sociare sibi cogitat: ad deducendam deportandamq; à Re-
gno Gallix (ob candorem populi Lasteo vocitato) in Par-
tes Gentis Lechiacæ Thronumq; Regalem. NAVIM OPA-
LINIANAM, cùm Facie BISONTIS LESCZYNIANI parat & dirigit;
vt suis votis, & iustis conatibus, dulciq; amicâ potitus fru-
eretur. Atq; hinc quidem de Illustrissima Prosapia OPA-
LINIORVM: ac de ipso Magno & Amplissimo Senatore Illu-
strissimo Domino D. CHRISTOPHORO de Bain OPA-
LINSKI Palatino Polnaniensi, summè maiestatis, digni-
tatis, & meritorum Viro. Comite principali eiusdem nu-
ptialis Legationis, obuiat facultas dicendi; ad tamen ad ipsi-
us gloriæ & laudis encomium non plura (ad finem prope-
rando) adferam; quàm quod æqualis Excellentix, Virtutis
& Nobilitatis vtramque Propaginem asserendo decernam.

Ac demum, solaris cursus causam paulisper inspiciamus.
Sol circumagitur ratione boni communis. Tu proinde
obsequeris publico commodo, Tui ipsius velut contem-
ptor, vel substantiæ sumptuumque immemor. Nihil hic
referam

referam de curis & laboribus, quibus non fatigaris, sed cō-
solidaris, non frangeris, sed induraris, vim Adamantis in eis
suscipiendis & superandis, vel certe iursum solis indefatiga-
bilem virtutemq; , præferendo. Cum tamen in viro nobi-
li plerumq; labor sit pudor: cuius negotium cum assidui-
tate nihil aliud esse deberet, quàm otium honestum, tan-
quam cum solaribus passibus consentiens. Enim verò, ipse
Sol cupit excusari, velut impar Heroi depingendo; qui & si
pulcherrimè ipsemet, in campis flores, in coloribus venu-
statem, in aère luciditatem, in cœlo iridem, in nubibus va-
rietatem effingat: nequit tamen exprimere in Te, cum no-
bilitate, animi moderationem, seu quæ circa opes, volu-
ptates, aut honores versantur: plerumq; verò horum sole-
at inprimis appetens esse Nobilitas. Sed tandem, ad
extremum huius Orationis, magnitudo gloriæ, & Nomi-
nis Tui, me compellit. Et cum me imparem præconem,
Virtutum Tuarum agnoscam, infantiam sermonis depre-
cor; & quod, si quæ singulorum cordibus emanant vota,
pari alacritate proferre & exprimere non valuerim. Sanè ta-
men, quidquid à decursu multorum seculorum, profectum
est in hominum congratulationibus, illud omne huic cu-
mulo aggestum peruellem. Viuat, vigeat, floreat, peren-
nes redux, Auspex, ad patrios lares, Præsul illustrissimus,
Plura autem accumulare volentem pudor, sed & tenuitas
ingenij, ac sublimitas Tux Excellentix impedit. Viuat Io-
uigeatque diu LESCZYNIA virtus. Sit honoribus locu-
pletior, successibus gloriosior, sit beatitudine immortalis.
Valeas igitur diutissime. Et qui es compos magnæ Nobili-
tatis & Virtutis, sis pariter compos maioris fortunæ, & ma-
ximæ felicitatis. Ingrediarisq; per sacrarium temporarij
honoris in felicitatis illud æuiternum, quod tamen
vt serum sit maximè cupio. Ita Tibi voueo illu-
strissime PRÆSVL, Reditum Tuum lætus no-
mine & in Persona totius Prouinciæ
excipiendo.

Cum licentia Superiorum.

VARSAVIÆ, In Officina PETRI ELBERT S. R. M. Typog. Anno D. 1645.

Shirt. Polon. 6 spec.

28^a

